

Aruba a tonoce Reina den Calypso y den Roadmarch



di Elia Isenia, diasabra manise diadomingo Aruba a conoce un Reina nobo di Calypso, y un reina nobo di Roadmarch.

Lady V. Viviana Hooker, cu for di su prome presentacion den pre-clasificacion tabata fuerte cu su calypso a corona esaki cu e titulo di Reina cu e agrupacion musical HBO, cu e cancion Single.

ROADMARCH

Den roadmarch, Lady Eyes, Diana Emerencia for di e prome presentacion tambe a pega duro cu "Sin Doño" y bin dal hopi duro tambe durante final y por sinti e posibilidad grandi cu e tabata tin di bay cu e corona, locual el a logra finalmente.

Ora cu a anuncia e runnerup di roadmarch, Diamond

Chip. Ashrok Gario di Le Groove cu su "Kaboom", e publico a lanta den gritamento y aplauso sclamando nomber di Lady Eyes pasobra ta e a keda como e posibilidad mas grandi di esnan cu tabata sperando resultado ainda, pa titula ganador.

Na di 3 lugar den roadmarch a termina Mighty Breaka cu tabata un di e favoritonan for di e prome anochi diamars ultimo.

Mighty Breaka. Nando Browne, cu su "Machi kei mango" tabata entre e mihornan y tambe aki por a sinti cu e lo por cay den e premiacionnan sigur.

Di 4 puesto a bay pa Mikey

di Youth Extreme, Carmichael Richardson, cu su cancion "Wiggle".

E prome anochi Mikey tabata e cantante cu a sacudi Centro di Barrio Noord y tabata aspirante grandi te final pa e titulo.

Tabata su compañero di

banda, Master Gusto cu a bin termina na di 5 lugar cu su roadmarch "Campeon".

For di e prome anochi Campeon a wordo comenta hopi pero durante e di dos y e di tres anochi, a bin dilanti

Sigui lesa Pg. 6

ORANJESTAD(AAN)—
Despues cu diabierna manise diasabra Corsow a conoce su Reina di Tumba den persona

Continuacion pagina 5



roadmarchnan pisa y finalmente hurado a duna "campeon" suficiente punto cu el a logra di 5 lugar.

CALYPSO


Den resultadonan di calypso E.K. Eugene Kemp, di Youth Extreme a termina na di 5 lugar, locual tabata un sorpresa pa hopi hende. Su calypso "Get Out" no tabata entre e grupo di calypsonan hopi comenta, pero el a sorprende diasabra anochi

logrando e puntonan necesario.

E otro sorpresa tabata cu Mighty Whitey Gregory Lyder, a termina na di 4 lugar.

E expectativa tabata halto for di e prome presentacion di Whitey cu e lo ta aspirante fuerte pa e corona. Su puntonan logra diasabra pa diadomingo manise, no a dune puesto mas halto cu di 4 lugar.

Esaki a trece cune e



comentario di seguidornan di calypso cu a laga sa cu Mighty Whitey a logra su puesto eterno, mirando e cantidad di biahnan cu el a termina na di 4 lugar. El a canta e calypso "They say that I old".





Na di 3 lugar premia a sali Mighty Campo cu tambe tabata un aspirante fuerte pa titulo despues di clasificacionnan cu su calypso "Melleh Man". Otro aspirante pa e corona y

titulo comenta masha hopi despues di e prome anochi tabata Mighty Breaka cu su "My memory stick".

Despues di a mira e otro

Sigui lesa Pg. 7

Continuacion pagina 6



finalistanan, Breake tabata entre e otronan cu a keda pa di 2 lugar y su puntuacionnan a dune e puesto aki. Eynan tur hende a cuminsa sinti cu e corona lo a bay pa un dama e aña aki y cu esaki lo ta Viviana Hooker, Lady V, local a resulta tambe asina finalmente. Despues di Lady K. y Singing J. Viviana a bira e di 3 dama pa bisti corona di Reina di Calypso.

E corona cu a keda mas tanto aña pa conquista tabata esun di Reina di Calypso. Rastalinda a gana esaki na 1981 cu "Hail I" y a keda cune te cu diadomingo madrug cu el a wordo poni riba cabez di Lady Eyes. Ultimo biaha cu lady Eyes a mishi cu e corona pero no por a bisti'e tabata cu e cancion "Señorita", pero e aña aki el a mishi cune y keda cune como di dje.

